



UNIVERSITÄTS-
BIBLIOTHEK
PADERBORN

Universitätsbibliothek Paderborn

Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Deus qui præcinxit me uirtute, Et posuit immaculatam uiam meam.

urn:nbn:de:hbz:466:1-37005

venire debere quæ ex operibus est. Ex qua deinde non potest aliud sequi quæ
 presumptio, contra quos dicit hic, protector est omnium sperantium
 in deo. Qui enim in uia dei ambulat & uerbo eius inhærent, non in seipsis con-
 fidunt, sed in deo, a quo etiam solo proteguntur, cum illi suis se uiribus, operi-
 bus doctrinis protegant, opus enim habent pii protectore deo, cum propter
 impollutam uiam domini & pura eloquia dei semper ab impijs patiantur & ad
 positionem quærantur.

Quoniam quis deus præter dominum?
 Aut quis deus præter deum nostrum?

Protector est omnium sperantium, quia est unde possit protegere, cū præ-
 tereum non sit deus alius, qui noceat. Sic. j. Reg. ij. Non est sanctus ut est do-
 minus, neque enim alius est extra te & non est fortis sicut deus noster. Ex quo lo-
 co David huius uersus partem posteriorem accepit, sunt enim eadem uerba.
 Hieronymus quoque hebræum זור Zur, non uertit, deus, sed fortis, dicens, &
 quis fortis sicut deus noster. Non etiam coniunctio disiunctiua, aut, sed copula
 uia, & poni hic debet. Est enim uersus tautologicus.

Est igitur sensus consolatorius Ecclesie aduersus insultationem & iactan-
 tiam Phenannæ istius synagogæ, q. d. Si ille protegit, quis nocebit? Si deus pro-
 nobis, quis contra nos? Quis est qui uobis noceat, si boni æmulatores fueri-
 tis? Sic & Anna. j. Reg. j. contra suam æmulam præsumptuosam eadem dixit,
 & addit. Nolite loqui sublimia gloriantes, quia non in fortitudine sua robo-
 rabitur ullus.

Deus qui præcinxit me uirtute,
 Et posuit immaculatam uiam meam.

Iterum hebraismus. Deus qui præcinxit, pro, Deus præcinxit, uel, Qui præ-
 cinxit, sicut deus meus, impolluta uia eius. Et idem uocabulum hic, immacu-
 latam, quod illic impolluta, scilicet תהמים Thamim, id est, innocentem, ut tibi,
 Cum innocere innocens eris. Supra dixit, Impollutā uiam domini, hic impol-
 lutam uiam suam iactat, Atque cum superius abunde dixerit se non impie gessis-
 se a deo, & iustitiam suam ac puritatē manuum suarum confessā sit, quid denuo
 eadē toties repetit & ingeminat, uelut superfluis uerbis Battologisans?

Dixi, meo sensu, prophetam hoc psalmo Ecclesie primitiuæ statum in per-
 sona Christi canere usque ad uocationem gentium, ideo in principio caput eius
 Christus introductus est, deinde Euangelij prædicatio & Ecclesie ortus in Iu-
 daeis, & comparatio eiusdem cum reprobā relictāque parte synagogæ, quæ suis
 iustitijs superbiens, Ecclesie fidē irrisit atque contempsit, denique & prohibuit &
 persecuta est, sicut Pharaos filios Israel in Aegypto oppressit ne multiplicarent.
 Nunc uero profectum & multiplicationē eius canere uidetur, quæ quo magis
 impij prohiberent, hoc magis fideles multiplicarent. Hunc esse sensum & uer-
 ba & sequentia monstrabunt. Virtus enim qua hoc loco se cinctam dicit, ea est,
 quæ multitudinē & exercitui tribuit, sicut Isaiæ. lx. Quādo cōuersa fuerit ad te
 multitudo maris & fortitudo gentiū uenerit tibi, id est, magna uis, hoc est, grā-
 dis multitudo gentiū. Exo. xv. Pharaonē & uirtutē eius piccit in mare, Vnde
 hæc dictio תהמים, sæpius pro exercitu, quæ hic & alijs locis, pro uirtute trans
 Kk iij fertur, Sic

Continuatio
 nis ratio.

fertur. Sic & latini, magnam vim pecuniarum, hominum, equorum &c. dicitur quando multitudinem significant.

Circundari virtute. Igitur cingi & circumdari Ecclesiam virtute, est illud quod Lucas Act. ij. dicitur augebatur credentium in domino multitudo uirorum ac mulierum. Item significat quod cum prius uiam domini impollutam dixisset, nunc iam uiam impollutam dicit, cum tamen eadem sit uia sua & domini, ipsa enim uiam dicitur ambulat, non suam quae non sit domini, hanc enim synagoga ambulat, ut illi dicit, nos omnes errauimus, unusquisque in uiam suam. Et Gen. vi. Omnis caro corrupta

Via ecclesiae est uia dei, ab initio & semper. maculata, est probari & confirmari talem multorum imitatione, quod nisi haec fecerit, cum tot sint impij qui eam noxiam & immundam criminant, tandem de filij Israel creuerunt, & quasi germinantes multiplicati sunt, & robora nimis impleuerunt terram. Et iterum, Quato magis opprimebant eos, tanto magis multiplicabantur & crescebant. Ideo aptius hic dixit, uiam meam, & exempli Ecclesiae ambulatis in uia domini multos attraxit in eandem uiam. Ista enim in Apostolis absque medio ex deo habuit uiam domini, ceteri autem ministerio & exemplo Apostolorum & praedicatorum discipulorum. Id quod etiam perpetua Ecclesia seruat deus, ut omnes quidem habeat a solo seipso doctos, & tamen omnes per hominum ministeria, uerba & exempla trahat, & per uiam Ecclesiae in uiam suam, quae eadem est, ducat. Hierony. ij. Reg. xxij. reddidit. Et complanauit per se. tam uiam meam, quod facile in eandem cadet sententiam.

Qui perfecit pedes meos tanquam ceruorum,

Et super excelsa statuens me.

Hiero. hic & ij. Reg. xxij. Coaequans pedes meos ceruis, & super excelsa mea statuens me. Scio in superioribus me per pedes exposuisse affectus animi & motus cordium, ut psal. xij. ueloces pedes eorum ad effundendum sanguinem, quae expositio in multis locis scripturae, forsitan & hoc ualet. Sed audeo meo iterum sensu abundare, & ecclesiae pedes sic intelligere, ut coherentia aptius quadret, in spiritu enim uersamur cum propheta, Hic enim uersus ratione mihi reddere uidetur praecedentis, in quo uiam suam dixit auctam & roboratam imitatione multorum, quod nullis alijs uiribus factum est, quam ministerio Euangelij, quod non sine magno miraculo uirtutis diuinae, tam multos, tam uelociter ad Ecclesiam congregauit, cum uia domini, quae ecclesia ambulat aduersaria sit omni prudentiae carnis, nec possit impolluta iudicari ab ullis hominibus, nisi deus illorum corda mutarit, id quod incredibili uelocitate perfecit ministerio uerbi.

Miraculum magnum.

Pedes Ecclesiae, Euangelij.

Pedes ergo Ecclesiae sunt ipsum ministerium uerbi, siue quod parum refert, ipsi Euangelistae. Sic Paulus se cursum consummasse ad Timotheum scribit, Et Act. xx. Dummodo consumam cursum meum & ministerium uerbi quod accepi. Et ad Galathas, Ne in uanum currem aut cucurissim. De ijs pedibus loquitur Ezechielis uisio, ubi pedes quatuor animalium scribit fuisse pedes rectos, & Isaia. liij. quae Ro. x. Paulus adducit. Quae speciosi super montes pedes euangelisantis, praedicatoris pacem, annunciantis bonum &c. id est, quae dulcis praedicator, qui praedicat gratiam & remissionem peccatorum. Et Michea. v. Surge tritura filia Zion, quia cornu tuum ponam ferreum, & ungulas tuas ponam aeras. Iterum Isa. xxxvij. Beati qui